



Broj: 10-37- 18481/17  
Sarajevo, 19.06.2017.godine

**SKUPŠTINA KANTONA SARAJEVO**  
**-Služba za Skupštinske poslove-**

**PREDMET:** Odgovor na zastupničko pitanje

Zastupnik Mario Vukasović je, na 30. Radnoj sjednici Skupštine Kantona Sarajevo, održanoj 24.05.2017.godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio zastupničko pitanje u vezi sa listom čekanja na lijek Avastin, za oboljele od raka jetre:

**„Iz kojeg razloga se ovaj lijek ne nabavlja u većim količinama , s obzirom da je poznata kolika je potražnja za ovim lijekom? Zašto se ne dozvoljava pacijentima da sami kupe lijek uz kasniju refundaciju troškova, jer ti ljudi nemaju liksuz da čekaju po godinu dana na navedeni lijek.“**

U vezi sa postavljenim zastupničkim pitanjem, Ministarstvo zdravstva dostavlja sljedeći

**O D G O V O R**

Fond solidarnosti Federacije Bosne i Hercegovine je obrazovan sa ciljem ostvarivanja jednakih uvjeta za provođenje obaveznog zdravstvenog osiguranja u svim kantonima za određene prioritetne vertikalne programe zdravstvene zaštite od interesa za Federaciju, čime je osigurano finansiranje liječenja najtežih oboljenja za sva osigurana lica u Federaciji BiH pod istim uvjetima. Slijedom navedenog, u nadležnosti Fonda solidarnosti je obezbjedenje i nabavka citostatika u skladu sa Odlukom o listi lijekova Fonda solidarnosti Federacije Bosne i Hercegovine („Službene novine Federacije BiH“, broj 24/16). S obzirom na nadležnost, zastupničko pitanje je dostavljeno Federalnom zavodu osiguranja i reosiguranja FBiH, čiji odgovor vam dostavljamo u prilogu ovog akta.

S poštovanjem,





Broj:01/VII-10-1-1732-1/17.  
Sarajevo, 13.06.2017. godine

**Kanton Sarajevo  
Ministarstvo zdravstva  
n/r ministricice, Zilhe Ademaj**

**Predmet: Odgovor na zastupničko pitanje gosp. Maria Vukasovića, u vezi liste čekanja za liječenje lijekom bevacizumab (Avastin)**

Poštovana,

Na gore navadeno zastupničko pitanje gosp. Maria Vukasovića, zastupnika u Skupštini Kantona Sarajevo, dajemo odgovor kako slijedi:

Citostatik bevacizumab (Avastin), sadržan je na Listi lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije BiH, Citostatici sa posebnim režimom propisivanja i korištenja, pod brojem 3., (Sl. novine Federacije BiH, br.24/16). Isti se koristi u skladu sa Doktrinarnim pristupom i Uputstvom za primjenu kod liječenja karcinoma debelog crijeva, izdavanjem saglasnosti za liječenje od strane ovlaštene Komisije, imenovane Rješenjem federalnog ministra zdravstva. Lijek nije sadržan na Esencijalnim listama lijekova i ne može se dobiti na recept.

Za citostatike u 2016. godini, Zavod je izdvojio preko 37 miliona KM, od čega je gotovo 27 miliona utrošeno za 800 pacijenata liječenih citostaticima sa posebnim režimom propisivanja, u koje spada i pomenući lijek. Nažalost, raspoloživa sredstva nisu dovoljna za finansiranje svih programa ovoga Zavoda, za što nedostaje cca 50 miliona KM, te se neminovno pojavljuju liste čekanja za pojedine lijekove, ali i druge zdravstvene usluge finansirane iz sredstava federalne solidarnosti, uključujući i predmetni lijek. Tokom 2016. godine navedenim lijekom liječena su 93 pacijenata, za što je utrošeno 3.202.500 KM, što čini 11,5%, od ukupno utrošenih sredstava za nabavku citostatika.

Trenutno su na liječenju 74 pacijenta, a nažalost, na listi čekanja 131, za čije liječenje je u prva tri mjeseca 2017. utrošeno 828. 000 KM. Lista čekanja se ustrojava prema Uputstvu o uspostavi listi čekanja za lijekove fonda solidarnosti Federacije BiH (Sl. novine Federacije BiH, br.19/15), odnosno izdavanje saglasnosti za liječenje ovim lijekom je u isključivoj nadležnosti ovlaštene Komisije, a u skladu sa navedenim Uputstvom.

S ciljem smanjivanja listi čekanja i uvođenja što većeg broja pacijenata na liječenje, Zavod svakodnevno čini napore, iznalazeći rješenja na razne načine, uštedama, racionalizacijom, donacijama lijekova od farmaceutskih kompanija, pokušajem smanjivanja cijena lijekova i sl.

Trenutno se vode aktivnosti u smjeru rješavanja povećanja broja liječenih predmetnim lijekom bevacizumab sa farmaceutskom kompanijom „Roche“, u omjeru 64:36, čime bi lista čekanja za navedeni lijek bila znatno smanjena, ali ne bi nestala u potpunosti.

Nadamo se, da bi uz pomenuto povećanje budžeta Zavoda, kao i primjenom Pravilnika o načinu kontrole cijena, načinu oblikovanja cijena lijekova i načinu izvještavanja o cijenama lijekova u BiH, donesenog od strane Agencije za lijekove i medicinska sredstva BiH, problem listi čekanja za zdravstvene usluge i pojedine lijekove finansirane iz sredstava federalnog fonda solidarnosti, bio u potpunosti riješen ili sveden na minimum.

S poštovanjem,



Pripremio: Prim. dr Muharem Kadić

Kontrolisao: Doc. dr sci.med. Osman Slipičević

Dostaviti:

- Naslovu na adresu
- U spis
- a/a